



29. juni 2011

UPA 2012/19

UKA 2011/83

Inatsisartut Suleriaasianni § 36 naapertorlugu matumuuna apeqquteqaat aallaavigalugu oqallisissatut siunnersuut saqqummiuppara:

Inuusuttut ilinniarluarsimasut Kalaallit Nunatsinnut utertinniarnissaat pillugu Kalaallit Nunaat anguniagassanik qanoq ittunik siunniussissaneroq pilluu apeqquteqaat aallaavigalugu siunnersuut.

(Inatsisartunut ilaasorta, Per Berthelsen Siumut)

Tungavilersuut:

Ukiorpasuit kingulliit ingerlanerini inuusuttut ilinniarnissaminnut kajumissaarniarlugit qinikkatut suliniuiterpassuaqarpugut. Ilinniartortatta nunatta killeqarfata avataani ilinniakkaminnik naammassereerunik anglerlarteqqinnissaasa qulakkeernissaat qanoq pingaartigisoq qasseriarlutami aamma oqaaseqartarpugut.

Taamatut oqartarnejq sulii kimittuseqqinneqarpoq, ataatsimeersuarnermi “Future Greenland”-imik qulequtaqartumi, Nuummi qaammataluit matuma siorna ingerlanneqartumi, saqqummiussisartut malunnaatillit, piffissami aggersumi Kalaallit Nunaannut suliasat pingaarnersaattut apeqqummut ataasiullutillusoq akimmata oqarlutik: “Ilinniarsimasortatta angerlartinnissaat”.

Qularinngilara uagut nuna tamakkerlugu qinigaasutut oqaatigineqartumut aamma tamakkiisumik isumaqataassasugut – qinikkatut najoqqutarisagut assigiinnngitsut akimorlugit. Taamaakkaluortoq, ukiut kingulliit ingerlanerini qinikkatut arlalinnik najoqqutassiortoqarpoq, arlalitsigut ilinniarsimasuutitta angerlatinnissaasa qulakkeernissaannik kissaatigisamut siunniutamullu akerliusunik.

Tassami pisortani atorfinnut ilutigalugu inissaqartitsisunut inuttassarsiortarnerup ilaannakuusumik unitsinneqarnissaa peqqussutaalersimavoq. Naak pisortat avataanni soorunami atorfeqaraluortoq, pisortat tassaapput inuusuttortarpassuatsinut suliffissaalluurtut aammalu sulisitsisussatut pingaaruteqartut, taakkunungalu inuusuttunut – soorunami – apeqqutaalluinnarluni atorfininnermut atatillugu inissartaqarnerseq, uagut namminnerlu nunaminnut utersinnaaniarlutik.

Taamatullu qularnanngiivilluni, inuusuttut piffissap sivitsoriartornerani nunani allani nunasivinissaat, ilinniagarisaminnik naammassinnermit nunaminni atorfinnissamik tungaanut. Naatsumik oqaatigalugu, ullumikkut atuuttumik pinngitsaaliilluni najoqqutassiornikkut ilinniarsimasutta / ilinniarluarsimasutta ilarpassuisa annaanissaat aarlerinaateqarpoq.

Taamaattumik Siumumit isumaqarpugut pissutsit atukkallu ataqatigiinneri kalaallit ilinniarluarsimasut ilaasa sooq piginnaasatik Kalaallit Nunaata avataani atorusunneraannik ilimagisat pillugit misissuisoqarlunilu paasiniaaqqissaartoqartariaqartoq.

Neriutigaara inuusuttortatta ilinniarnermiini naammassereerlutik angerlarnissaasa qanoq qulakkeersinnaanera pillugu paqumisujuitsumik oqallissinnaanissarput, akissarsiaqarlutik sulisunut, atugarissaarnermik tamatta angujumassatsinnik qulakkeeqataallutik ilanngunniassammata.